



Data: 11.02.2019

Ref.: 178/190

Në mbështetje të Nenit 4 dhe 23 të Ligjit për Administratën Shtetërore të Republikës së Kosovës (Nr. 03/L-189, datë 16. 09. 2010), Ligjit për Procedurën e Përgjithshëm Administrative (Nr. 05/L-031, datë 25. 05. 2016), Nenit 7 dhe 15 të Ligjit për Arsimin e Lartë në Republikën e Kosovës (Nr. 04/L-037, datë 29. 08. 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr. 15/2018, datë 28. 09. 2018), Këshilli Shtetërorë i Cilësisë (KSHC), në mbledhjen e 61-të, të mbajtur më 15 dhe 16 janar 2019, mori:

V E N D I M

- I. Refuzohet pjesërisht kërkesa e Universitetit të Prishtinës "Hasan Prishtina", Fakulteti i Bujqësisë dhe Veterinarisë, Nr.1437/18, datë 28. 10. 2018 për akreditim të programit të studimit: Shkenca e Ushqimit, MSc, 120 ECTS.
- II. Ky vendim hyn në fuqi me nënshkrimin e tij.

Arsyetimi

Universitetit të Prishtinës "Hasan Prishtina", Fakulteti i Bujqësisë dhe Veterinarisë (tash e tutje Fakulteti i Bujqësisë dhe Veterinarisë) ka parashtruar kërkesë (Nr.1437/18, datë 28. 10. 2018) në Agjencinë e Kosovës për Akreditim për akreditim të dy programeve të studimit si në vijim: Shkenca e Ushqimit, MSc, 120 ECTS dhe Bujqësi Urbane, MSc, 120 ECTS.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KSHC në mbledhjen e mbajtur më 15 dhe 16 janar 2019 ka trajtuar aplikacionin e Fakultetit të Bujqësisë dhe Veterinarisë, dhe pas analizës së dokumentacionit të stafit akademik bazuar në pikën 1.2 të këtij neni, ku thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitët nga stafi i AKA-së", erdhi në përfundim se programi i studimit, Shkenca e Ushqimit, MSc, 120 ECTS, nuk i plotëson kushtet ligjore për aprovim nga KShC.

Sipas nenit 26, pika 5.3.4 e Udhëzimit Administrativ për Akreditim (15/2018, datë 28. 09.2 018), Institucionet e Arsimit të Lartë: "Për programet e studimit të cilat shpijnë deri tek marrja e një diplome

shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.

- Për programin e studimit: *Shkenca e Ushqimit, MSc, 120 ECTS*, bartës të këtij programi Fakulteti i Bujqësisë dhe Veterinarisë kishte paraparë stafin: Hysen Bytyqi dhe Arbenita Hasani-Rexhepi. Sipas paragrafit të fundit të Nenit 26, pika 5.3.4 e Udhëzimit Administrativ për Akreditim, kërkohet që: “për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”. Programi i studimit *Shkenca e Ushqimit, MSc, ka 120 ECTS*, andaj rrjedhimisht duhet ti ketë të paktën dy persona me gradën shkencore PhD, nga fusha e programit të studimit. Arbenita Hasani-Rexhepi nuk është e deklaruar për angazhimin e saj në këtë institucion, sipas afateve të parapara me UA për Akreditim. Sipas nenit 30 të Udhëzimit Administrativ për Akreditim, “IAL-të, duhet të dorëzojnë deklaratat e stafit akademik të angazhuar jo më larg se data 31 tetor”, pra Fakulteti i Bujqësisë dhe Veterinarisë ka qenë i detyruar që të deklaroj stafin akademik me se largu deri me 31 tetor 2018.


Bazuar në pikën 3 të Nenit 30 të UA për Akreditim, “Vetëm stafi akademik i deklaruar dhe aprovuar nga AKA, do të konsiderohet në procesin e akreditimit/riakreditimit për vitin pasues akademik dhe stafi akademik i deklaruar dhe aprovuar nga AKA për programet ekzistuese në kuadër të procesit të monitorimit”, andaj Arbenita Hasani-Rexhepi nuk mund të merret në konsideratë për këtë program të studimit pasi që e njëjta nuk i plotëson kushtet ligjore sipas nenit 30 të UA për Akreditim 15/2018.

Prandaj, bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit të fushës së programit të studimit ta refuzoj aprovimin e aplikacionit për programin e studimit *Shkenca e Ushqimit, MSc, 120 ECTS*.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- Universiteti i Prishtinës “Hasan Prishtina”, Fakulteti i Bujqësisë dhe Veterinarisë;
- MASHT-it;
- Arkivit të AKA-së.


Prof. Dr. Gazmend Luboteni
Kryetar i Këshillit Shtetëror të Cilësisë

